

Pelajari pelbagai

Oleh ZULKIFLEE BAKAR

KUALA LUMPUR 10 Jan. — Perdana Menteri, Datuk Seri Dr. Mahathir Mohamad menyeru ibu bapa dan pelajar supaya tidak menumpukan perhatian kepada pelajaran agama sahaja, sebaliknya turut mempelajari jurusan-jurusan lain.

Katanya, ramai daripada mereka yang berminat mempelajari agama mampu juga menguasai ilmu-ilmu lain dan mereka harus memilih jurusan-jurusan ini demi kesejahteraan bukan sahaja orang Islam di Malaysia tetapi juga masyarakat lain di negara ini.

“Saya ingin merayu supaya ibu bapa dan penuntut Islam memikirkan tentang perkara ini. Kita tidak mempunyai ramai yang berbakat. Bahagi-bahagilah mereka antara jurusan agama dan jurusan-jurusan lain yang tidak kurang pentingnya kepada Islam dan umat Islam.

“Insyallah, jika umat Islam kuat, adil dan disegani, (peristiwa) Bosnia dan Chechnya tidak akan berlaku, sepertimana ia tidak berlaku di zaman kegemilangan Islam,” katanya.

Beliau berkata demikian ketika berucap merasmikan Kompleks Perdana Siswa di Universiti Malaya, di sini, hari ini.

Dr. Mahathir menegaskan, orang Islam tidak kurang kecerdasan otak mereka, tetapi jika semua percaya hanya dengan mempelajari agama secara khusus

barulah mereka akan terima ganjaran bagi diri mereka di akhirat dan tidak ada atau tidak ramai yang mempelajari bidang-bidang lain, maka umat Islam

akan menjadi semakin mundur dan lemah.

“Fikirkanlah. Janganlah jadikan apa yang saya katakan ini sebagai isu politik. Fikirkan tentang betapa

berdosanya kita apabila saudara seagama kita menderita, kita tidak dapat berbuat apa-apa selain daripada mengutuk orang yang mendera mereka.

“Fikirkanlah tentang betapa hinanya agama Islam dan orang Islam apabila kumpulan-kumpulan tertentu antara kita mengganas, membunuh orang yang

ilmu — PM

Beliau berkata, dengan tidak adanya petugas-petugas tertentu yang diperlukan untuk kesempurnaan dan keselamatan ummah maka ini bermakna fardu kifayah tidak ditunaikan.

Perdana Menteri berkata, kerajaan sedar akan minat penuntut-penuntut Melayu dalam bidang agama dan rakyat negara ini memang memerlukan anggota masyarakat Islam yang mempunyai pengetahuan agama yang mendalam.

“Tetapi kita juga harus ingat bahawa orang Islam perlu mengimbangkan kepentingan dunia dengan kepentingan akhirat,” katanya.

Hari ini, tegas Dr. Mahathir, oleh kerana kurangnya pengetahuan dan kecakapan orang Islam dalam berbagai-bagai ilmu dan kemahiran yang penting, mereka menjadi begitu lemah.

“Untuk mempertahankan diri merekapun, mereka terpaksa bergantung kepada orang lain yang kadang-kadang sebenarnya musuh mereka.

“Oleh kerana lemahnya orang Islam dan negara-negara Islam kita dapati orang Islam dan negara-negara mereka bukan sahaja dihina tetapi ditindas dengan kejam, diperkosa, diseksa, dibunuh, dihalau dari negeri mereka dan bermacam-macam lagi pencabulan yang tidak dapat senaraikan,” tegasnya.

Menurut Perdana Menteri, semua ini tidak akan berlaku jika orang Islam menguasai semula ilmu dan

kemahiran yang canggih yang ada pada bangsa-bangsa yang maju hari ini.

“Semua ini tidak akan berlaku jika orang Islam cekap dan adil dalam menadbir negara mereka. Semua ini tidak akan berlaku jika mereka benar-benar berpegang kepada ajaran Islam yang menyuruh mereka menuntut ilmu walaupun ke negara China,” katanya.

Dr. Mahathir berkata, golongan bukan Islam mengetahui betapa pentingnya imbalan tercapai sekurang-kurang dalam negara ini di antara orang Islam dengan bukan Islam dalam semua bidang.

“Kita bernasib baik di Malaysia kerana kita bersimpati dengan nasib semua kaum tanpa mengira agama dan budaya, tetapi umumnya oleh kerana orang Islam dan negara Islam lemah, mereka dianiaya di seluruh dunia,” katanya.

Justeru itu, kata Perdana Menteri, adalah penting ditentukan supaya orang Islam tidak ketinggalan seperti orang Islam di negara-negara lain.

Dalam ucapan itu juga, Dr. Mahathir menyeru mahasiswa supaya sentiasa berani mengambil bidang pengajian yang relevan walaupun tidak menjadi ilmu yang biasa dikaitkan dengan pelajaran di universiti.

“Mahasiswa dan universiti perlu sedar dan menerima bahawa di zaman ini ilmu yang meluas dan lengkap tidak boleh dikejar dan dikuasai dalam hanya satu bahasa.

tidak berdosa semata-mata kerana mereka tidak mampu menjayakan perjuangan mereka dengan cara-cara biasa dengan rundingan, umpamanya,” katanya.